

Na osnovu člana 15. Zakona o principima lokalne samouprave (Službene novine Federacije Bosne i Hercegovine“, broj 49/06 i 51/09) i člana 7. Statutarne Odluke o organizaciji Grada Tuzla u skladu sa Zakonom o Gradu Tuzla („Službeni glasnik Grada Tuzla“, broj 1/14, 3/15, 7/15 i 12/15), Gradonačelnik Grada Tuzle, donosi

ODLUKU
o izmjenama Odluke o načinu raspoređivanja finansijskih sredstava
iz Budžeta Grada Tuzle neprofitnim organizacijama po LOD metodologiji

Član 1.

U Odluci o načinu raspoređivanja finansijskih sredstava iz Budžeta Grada Tuzla neprofitnim organizacijama po LOD metodologiji („Službeni glasnik Grada Tuzla“, broj: 1/19), u članu 6. stav 1. riječi „u sredstvima informisanja (dnevni novinama) i“ brišu se. U stavu 2. istog člana broj „21“ zamjenjuje se brojem „15“ a riječi „u sredstvima informisanja“ zamjenjuju se riječima „na zvaničnoj web stranici Grada Tuzle“.

Član 2.

U članu 9. tačka f) postotak „20%“ zamjenjuje se postotkom „40%“.

Član 3.

Ostale odredbe Odluke ostaju na snazi.

Član 4.

Ova Odluka stupa na snagu narednog dana od dana objavljivanja u „Službenom glasniku Grada Tuzla“ i ostaje na snazi do 31.12.2020. godine.

Bosna i Hercegovina
Federacija Bosne i Hercegovine
Tuzlanski Kanton
GRAD TUZLA
GRADONAČELNIK
Broj: 02/11-A-6809-2020
Tuzla, 16.06.2020



GRADONAČELNIK

Jasmin Imamović, dipl. pravnik

OBRAZLOŽENJE

Odluke o o izmjenama Odluke o načinu raspoređivanja finansijskih sredstava iz Budžeta Grada Tuzle neprofitnim organizacijama po LOD metodologiji

I - Pravni osnov za donošenje Odluke

Pravni osnov za donošenje ove Odluke sadržan je u odredbama člana 15. Zakona o principima lokalne samouprave („Službene novine Federacije BiH“, broj 49/06 i 51/09) kojima su propisane nadležnosti gradonačelnika kao organa odlučivanja jedinice lokalne samouprave i odredbama člana 6. Statutarne odluke o organizaciji Grada Tuzla u skladu sa Zakonom o Gradu Tuzla („Službeni glasnik Općine Tuzla“, broj 1/14, 3/15, 7/15 i 12/15) kojima su propisane nadležnosti Gradonačelnika Grada Tuzla.

II - Razlozi za donošenje Odluke i pojašnjenje odredbi

Negativne ekonomske posljedice usljed pandemije koronavirusa (COVID-19) odrazile su se u velikoj mjeri na rad i poslovanje neprofitnih organizacija (udruženja i fondacija) koje djeluju na području grada Tuzle. S obzirom na činjenicu da odredbama Zakona o ublažavanju negativnih ekonomskih posljedica („Službene novine Federacije BiH“, broj: 28/20) kao ni Zakona o subvenciji za ublažavanja posljedica uzrokovanih stanjem nesreće ("Službene novine Tuzlanskog kantona", broj: 6/20), nije predviđeno da udruženja i fondacije mogu ostvariti pravo na subvenciju za suzbijanje posljedica uzrokovanih stanjem nesreće kao što je to omogućeno poslovnim subjektima, predstavnici civilnog sektora zatražili su pomoć lokalne uprave.

U cilju podrške udruženjima i fondacijama za prevazilaženje ekonomskih posljedica izazvanih stanjem nesreće, izmjenama Odluke o načinu raspoređivanja finansijskih sredstava iz Budžeta Grada Tuzla neprofitnim organizacijama po LOD metodologiji, omogućeno je da se pri dodjeli sredstava iz Budžeta Grada Tuzle za podršku projekata neprofitnih organizacija u 2020. godini uvaži utrošak za administrativne troškove u iznosu od 40% od ukupno dodijeljenih sredstava, umjesto dosadašnjih 20%. Također, u cilju skraćivanja procedure za dodjelu sredstava izmjenama Odluke predviđeno da javni poziv bude otvoren 15 dana umjesto 21 dan a zbog uštede finansijskih sredstava predviđeno je da se javni poziv ne objavljuje u dnevnim novinama nego samo na internet stranici Grada Tuzle (grad.tuzla.ba).

III - Finansijska sredstva

Za realizaciju ove Odluke nisu potrebna dodatna finansijska sredstva iz Budžeta Grada Tuzla.

OBRAĐIVAČ:

Služba za kulturu, sport, mlade i socijalnu zaštitu